



---

**- SENAT -**

Broj: 01-5867/16

Sarajevo, 05. 10. 2016. godine

**Z A P I S N I K**  
**SA 1. TEMATSKE SJEDNICE SENATA**  
**ODRŽANE 05. 10. 2016. GODINE**

Prisutni članovi Senata: prof. dr. Rifat Škrijelj, rektor, Bekir Rovčanin, student-prorektor, prof. dr. Mersad Čuljević, prof. mr. Mevludin Zečević, prof. dr. Kemal Kozarić, prof. dr. Samim Konjicija, prof. dr. Zuhdija Hasanović, prof. dr. Nedžad Korajlić, prof. dr. Husnija Kajmović (po ovlaštenju), prof. dr. Šaćir Filandra, prof. dr. Samir Čaušević, prof. dr. Dijana Avdić, prof. dr. Davorka Završnik, prof. dr. Salih Fočo, prof. dr. Mustafa Hrasnica, prof. dr. Izet Bijelonja, prof. dr. Almira Hadžović-Džuvo, prof. dr. Senad Kazić, prof. dr. Fatih Destović, prof. dr. Sabahudin Bajramović (po ovlaštenju), prof. dr. Hajrija Sijerčić-Čolić, prof. dr. Mustafa Memić, prof. dr. Mirza Dautbašić, prof. dr. Nihad Fejzić, prof. dr. Munib Tahirović (po ovlaštenju), prof. dr. Darko Tomašević, prof. dr. Naris Pojskić, dr. Senija Milišić, dr. Rasim Muratović, dr. Adnan Kadrić, dr. Alen Kalajdzija, te predstavnici Studentskog parlamenta Univerziteta u Sarajevu: Bakir Ganić, student prvog ciklusa studija Šumarskog fakulteta, Nadira Alimanović, student prvog ciklusa studija Elektrotehničkog fakulteta, Mirza Ibrahimović, student drugog ciklusa studija Fakulteta sporta i tjelesnog odgoja, Mirela Mujović, student drugog ciklusa studija Fakulteta za kriminalistiku, kriminologiju i sigurnosne studije, Malik Ejubović, student integriranog studija Medicinskog fakulteta, i Lejla Lasić, student trećeg ciklusa studija Prirodno-matematičkog fakulteta Univerziteta u Sarajevu.

Ostali prisutni: prof. dr. Aida Hodžić, prof. dr. Izet Rađo, prof. dr. Aleksandra Nikolić, prof. dr. Željko Šain, prof. dr. Maida Čohodar-Husić i prof. Zijad Mehić, predloženi prorektori Univerziteta u Sarajevu, te prof. dr. Borislav Petrović, dekan Pravnog fakulteta Univerziteta u Sarajevu, i dr. sc. Suvad Konaković, generalni sekretar Univerziteta u Sarajevu.

Odsutni članovi Senata: prof. Marina Finci, prof. dr. Muhamed Ajanović i Haris Zahiragić, predsjednik SPUS-a.

Rad sjednice je počeo u 13:00 sati.

Predsjedavao je rektor prof. dr. Rifat Škrijelj, na čiji je prijedlog usvojen sljedeći

## DNEVNI RED

1. Izbor prorektora Univerziteta u Sarajevu
2. Formiranje komisije za primopredaju dužnosti rektora/prorektorā Univerziteta u Sarajevu
3. Izmjene i dopune Statuta Univerziteta u Sarajevu
4. Informacije

## TOK SJEDNICE

### Ad-1.

#### Izbor prorektora Univerziteta u Sarajevu

U skladu sa Statutom Univerziteta u Sarajevu, Odlukom o izmjenama i dopunama Statuta Univerziteta u Sarajevu broj: 01-5679/16 od 28. 09. 2016. godine i Pravilnikom o izboru prorektora Univerziteta u Sarajevu, prof. dr. Rifat Škrijelj, rektor Univerziteta u Sarajevu, senatorima je predočio prijedlog imenovanja novih prorektora Univerziteta u Sarajevu.

U skladu sa iznesenim, **Senat je jednoglasno donio odluke o izboru prorektora Univerziteta u Sarajevu za mandatni period 2016–2020. godine**, kako slijedi:

- **prof. dr. Aida Hodžić**, redovni profesor Veterinarskog fakulteta Univerziteta u Sarajevu, bira se za prorektora za nastavu i studentska pitanja Univerziteta u Sarajevu za mandatni period 2016–2020. godine (Grupacija medicinskih nauka);
- **prof. dr. Izet Rađo**, redovni profesor Fakulteta sporta i tjelesnog odgoja Univerziteta u Sarajevu, bira se za prorektora za naučnoistraživački/umjetničkoistraživački rad Univerziteta u Sarajevu za mandatni period 2016–2020. godine (Grupacija humanističkih nauka);
- **prof. dr. Aleksandra Nikolić**, vanredni profesor Poljoprivredno-prehrambenog fakulteta Univerziteta u Sarajevu, bira se za prorektora za međunarodnu saradnju Univerziteta u Sarajevu za mandatni period 2016–2020. godine (Grupacija prirodno-matematičkih i biotehničkih nauka);
- **prof. dr. Željko Šain**, redovni profesor Ekonomskog fakulteta Univerziteta u Sarajevu, bira se za prorektora za finansije Univerziteta u Sarajevu za mandatni period 2016–2020. godine (Grupacija društvenih nauka);
- **prof. Zijad Mehić**, redovni profesor Akademije scenskih umjetnosti Univerziteta u Sarajevu, bira se za prorektora za umjetnost, kulturu i sport Univerziteta u Sarajevu za mandatni period 2016–2020. godine (Grupacija umjetnosti);

- **prof. dr. Maida Čohodar-Husić**, redovni profesor Mašinskog fakulteta Univerziteta u Sarajevu, bira se za prorektora za kvalitet Univerziteta u Sarajevu za mandatni period 2016–2020. godine (Grupacija tehničkih nauka).

## **Ad-2.**

### Formiranje komisije za primopredaju dužnosti rektora/prorektorā Univerziteta u Sarajevu

Prof. dr. Rifat Škrijelj, rektor, ukratko je upoznao članove Senata o potrebi formiranja komisije za primopredaju dužnosti rektora i prorektora Univerziteta u Sarajevu. Primopredaju dužnosti između prošlog menadžmenta i novoizabranog potrebno je izvršiti transparentno uz zapisničku konstataciju.

Nakon kraće diskusije u kojoj su učešće uzeli: prof. dr. Salih Fočo, prof. dr. Nihad Fejzić, prof. dr. Rifat Škrijelj, a na prijedlog rektora prof. dr. Rifata Škrijelja, jednoglasno je donesena

## **ODLUKA**

kojom se u Komisiju za primopredaju dužnosti između prof. dr. Rifata Škrijelja, rektora Univerziteta u Sarajevu za mandatni period 2016–2020. godine, i prof. dr. Muharema Avdispahića, dr. h. c., rektora Univerziteta u Sarajevu za mandatni period 2012–2016. godine, te prorektorā Univerziteta u Sarajevu imenuju:

1. prof. dr. Hajrija Sijerčić-Čolić, predsjednik Grupacije društvenih nauka,
2. prof. dr. Salih Fočo, predsjednik Grupacije humanističkih nauka,
3. prof. dr. Almira Hadžović-Džuvo, predsjednik Grupacije medicinskih nauka,
4. prof. dr. Samir Čaušević, predsjednik Grupacije tehničkih nauka,
5. prof. dr. Mirza Dautbašić, predsjednik Grupacije prirodno-matematičkih i biotehničkih nauka,
6. prof. dr. Mersad Čuljević, predsjednik Grupacije umjetnosti, i
7. dr. sc. Suvad Konaković, generalni sekretar Univerziteta u Sarajevu.

Zadužuju se rukovodioci službi i centara Rektorata Univerziteta da Komisiji dostave sve relevantne podatke u cilju realizacije predmetne odluke.

Također je, shodno diskusiji, Senat jednoglasno donio

## **ZAKLJUČAK**

kojim Senat Univerziteta u Sarajevu predlaže da se u Komisiju za primopredaju dužnosti između prof. dr. Rifata Škrijelja, rektora Univerziteta u Sarajevu za mandatni period 2016–2020. godine, i prof. dr. Muharema Avdispahića, dr. h. c., rektora Univerziteta u Sarajevu za mandatni period 2012–2016. godine, te prorektorā Univerziteta u Sarajevu imenuju 2 (dva) člana u ime Upravnog odbora Univerziteta u Sarajevu i to jedan član iz reda univerzitetskih nastavnika i jedan član iz reda osnivača.

### **Ad-3.**

#### Izmjene i dopune Statuta Univerziteta u Sarajevu

Nakon uvodnog pojašnjenja prof. dr. Rifata Škrijelja, rektora, u vezi sa Nacrtom prijedloga dopune Statuta Univerziteta u Sarajevu koja se odnosi na novi član Statuta – 87.a (Savjet za nauku i umjetnost), članovi Senata su jednoglasno donijeli

### **Z A K L J U Č A K**

kojim se prihvata Nacrt prijedloga dopune Statuta Univerziteta u Sarajevu i upućuje na mišljenje Odboru za normativna pitanja, kao stručnom i savjetodavnom tijelu Senata Univerziteta u Sarajevu.

Nacrt prijedloga dopune Statuta Univerziteta u Sarajevu glasi:

**1.** Statut Univerziteta u Sarajevu iz juna 2013. godine dopunjuje se na sljedeći način:

nakon člana 87. Statuta **dodaje se novi član – 87.a, koji glasi:**

#### **Član 87.a (Savjet za nauku i umjetnost)**

- (1) Savjet za nauku i umjetnost je stručno i savjetodavno tijelo Senata Univerziteta.
- (2) Nadležnost Savjeta je da:
  - a) Senatu Univerziteta predlaže strategiju razvoja i unapređenja nauke i umjetnosti na Univerzitetu u Sarajevu;
  - b) razmatra naučnoistraživačke projekte po javnim pozivima na koje se aplicira preko Univerziteta u Sarajevu;
  - c) daje mišljenje o raspodjeli vanbudžetskih prihoda od naučne i umjetničke djelatnosti;
  - d) obavlja i druge poslove u oblasti naučnoistraživačkog rada i umjetnosti koje mu odredi Senat Univerziteta.
- (3) Savjet za nauku i umjetnost ima devet članova, od kojih su jedan predstavnik Univerziteta, šest predstavnika fakulteta/akademija/instituta, jedan predstavnik studenata i jedan predstavnik Upravnog odbora Univerziteta u Sarajevu koji se biraju na period od 4 (četiri) godine.
- (4) Predstavnik Univerziteta predlaže rektor, predstavnike fakulteta/akademija predlažu vijeća grupacija nauka/umjetnosti, predstavnika studenata predlaže Studentski parlament Univerziteta, a predstavnika Upravnog odbora predlaže Upravni odbor iz reda univerzitetskih nastavnika izabranih u nastavničko zvanje/ekvivalentno naučno zvanje.
- (5) Predsjednika Savjeta bira Senat.

### **Ad-4.**

#### Informacije

- a) Prof. dr. Rifat Škrijelj informirao je članove Senata da je „Unis – Energetika“ d.o.o. Sarajevo osigurala snabdijevanje i distribuciju toplotne energije za organizacione jedinice/korisnike u Kampusu Univerziteta u Sarajevu. Također je istakao da su tehničke pripreme okončane i da se nada da u predstojećoj sezoni grijanja neće biti smetnji u distribuciji toplotne energije.

- b) Prof. dr. Rifat Škrijelj informirao je članove Senata da je nastavni proces na fakultetima i akademijama Univerziteta u Sarajevu u studijskoj 2016/2017. godini, u skladu sa Akademskim kalendarom, započeo 03. 10. 2016. godine.  
Iz tehničkih razloga početak nastave na Stomatološkom fakultetu sa klinikama i Arhitektonskom fakultetu pomjeren je za 10. 10. 2016. godine.
- c) Prof. dr. Rifat Škrijelj upoznao je senatore sa realizacijom konkursā za upis studenata u prvu godinu prvog ciklusa studija i integriranog studija na Univerzitetu u Sarajevu za studijsku 2016/2017. godinu i istako da je u ovoj studijskoj godini upisano 1013 studenata manje nego što je to planirano odobrenim konkursima.

Prof. dr. Rifat Škrijelj pozvao je senatore da se danas u 14:00 sati pridruže konferenciji za medije na kojoj će biti predstavljen novi menadžment Univerziteta u Sarajevu.

Sjednica je završena u 13:40 sati.

**Rektor**

**Prof. dr. Rifat Škrijelj, s. r.**

Zapisničar:

Alma Voloder-Madacki, s. r.